

廣德州志卷十二

營建志 津梁

津梁

山溪盈涸靡常其涸也丈五之溝耳盈卽汪洋浩漫矣駛流衝擊往往不循故道有渡變爲橋橋變爲渡者因而石易爲木木易爲石又有舊時石橋今絕無存或反在平陸者非因時修葺曷資利濟爲參考各志以城鄉方隅近遠爲次附碑記以考年月庶覽者燦若列眉焉

廣德州志

卷十二

津梁

一

苦嶺關通志州東南七十里

明一統志在州南六十里萬曆等志俱七十里路通

浙江安吉州界明正德十二年孝豐賊湯毛九倡亂知

州周時望率民兵守禦於此

互詳名蹟

案萬曆志以渡歸塘別立關梁門但州屬止苦嶺一

關而渡多至二十餘處故依楊志作津梁

誓節渡萬曆志州西五十里唐末黃巢爲亂土人張姓者

率鄉兵捍之誓死不退遂歿於溪故名案此卽元和志

所稱桐汭水也詳山川

滄河渡萬曆志在州北三十里

通志作二十里

案明初建倉於此

故名倉久廢因訛倉爲滄萬厯間州守陸長庚始設渡船並捐置田五畝五分渡基二分建屋三間紳耆王焜王貢董其事康熙十八年民婦韋氏呈稱故夫徐應昭存日捐田九畝七分給渡夫管業春夏設船濟渡秋冬架木爲橋恐日久乾沒及渡夫橫索錢文請勒石垂遠經州守高拱乾批准立碑現存三十三年屋傾里人洪韋沈徐趙王許七姓重葺學正盛彰記

沈家渡萬厯志州北二十里

詳橋

咎埠渡萬厯志在州北三十里

楊志作二十里

廣德州志

卷十一

津梁

二

朱灣渡通志州東北四十里路通長興楊志云向未疏通康熙五年知州楊苞設立簾埠移文浙江湖州府水道通行不容釘塞簾筏往來商賈便之案諸志皆作朱灣埠俗名亦然今依通志

右本州關津

東門渡楊志在建平縣治東

案此下皆據楊志其見於通志者七合溪歐陽赤山東夏李村荆軻清溪

清溪渡縣治南舊有普濟橋後廢爲渡案是渡通徽甯要

道徽商置渡田南門村王姓置橋田水發掉船水落架
橋俱王姓司之

陳家渡縣東十里

歐陽渡縣東三十五里

烏盆灘渡縣東南二十里

縣志同李志
作二十五里

合溪渡縣東南三十里

忠義渡縣東南三十五里

汪家渡縣西三里

詳惠
政橋

吳村渡縣西五里

廣德州志

卷十一

津梁

三

犁耙渡縣西五里

破塘灣渡縣西十里

松梗渡縣西十里

東夏渡縣西二十里

狗兒渡縣西二十里

李志縣志俱作
吼兒渡詳橋

栢枝渡縣西二十二里

赤山渡縣西南五里

三溪渡縣西南十五里

李村渡縣西南二十五里

吳家渡縣西北十里

荆軻渡縣西北三十五里

橋詳

案楊志寓賢門稱建平有荆軻渡荆軻橋荆軻廟不知其名何自而起或曰其地產荆意者爲荆柯而訛爲軻然又不當有廟今所祀果何人也今考高淳縣尙有荆軻墓荆軻殿稱爲荆將軍縣志辨其爲非刺秦皇之荆軻又引古今逸史云荆軻字次飛曾斬蛟除害又云廟在溧水縣南高淳舊爲溧水是爲荆次飛無疑據此建平與高淳接壤所謂荆軻其亦荆次

廣德州志

卷十一

津梁

四

飛與

右建平津渡

梅公橋萬厯志在州治右

案南畿志載州橋十有七萬厯志增至五十有五亦云多矣通志錄二十四橋今皆據之而一統志所載各志所補及今所增又復不少故舊有者皆取最前一志書之增者以案別之

王家橋萬厯志在復初書院後李志云下通秀水案是橋元至正八年建明嘉靖間建復初書院當其前書院久

廢新建者在西學基址橋今在尊經閣後亦名獅子橋
三步兩橋李志下通秀水案在西學基後俗名三步兩條
橋其水一通鮑家衙一通柴巷口楊門志
未載

案萬厯志所載楊門志多因之通志亦復相同李志
增入之橋不詳建造之年今皆注楊志未載以別之
今此所增半係新建不復注

武定橋萬厯志在州治北舊名迎貞因屢圯立真武廟以
鎮之故今名武定南畿志以此爲首

上松橋萬厯志在州治東開化寺右

廣德州志

卷十一

津梁

五

下松橋萬厯志在州治東東嶽廟前

復古橋萬厯志在州治東舊名寺河橋知州魯橐以洪水
漲沒城隍遂塞石溪門令民復疏水溝因名其橋曰復

古楊志刪魯橐以下
則復之名晦矣

迎春橋萬厯志在州治東一名濟民橋因迎春過此故名
梅婆橋萬厯志在織染局左

案橋名有梅公梅婆又有杜公杜婆蓋皆當時建橋之
人也

杜公橋萬厯志在西社學左李志下通秀水

杜婆橋萬厯志在西社學右李志下通秀水

六斯文橋李志在州治西六斯文巷內下通秀水分流楊志

未載

栢溪橋李志在州治西南下通秀水楊志
未載

五馬橋李志在州治西北下通秀水楊志
未載

銀錠橋李志在州治南下通南街秀水入古研池流繞學

宮後楊志
未載

倉橋萬厯志在州治南預備倉前

玉帶橋李志在州治南三峯樓前通秀水人古研池塘楊志

廣德州志

卷十一

津梁

六

未載
今毀

案此橋諸志不載始見李志今已填塞說詳秀水及

藝文

梅花橋明一統志在州治城北門昔橋旁有梅樹奇絕可

愛案是橋下通秀水會水關出城通志混作鳳凰橋

斗門橋萬厯志在州治北

織女橋明一統志引輿地紀勝云在近市案是橋舊志失

載今無可考附列于此以上二十一橋俱在城內

鍾秀橋楊志在鍾秀門外東即小門康熙七年遊擊李成龍捐

俸建

楊苞新建鍾秀橋記略州舊有六門其東南隅曰石溪位臨巽方風和木秀鼎峙丁坤克裨地脉所繇來尚矣不知塞自何年冠裳凋謝今一旦重開斯文色起蓋仗兩憲臺俞請暨郡人士懇陳所致也惟是鹽行肆廬新集其地門以外貨鹽者車牛任輦於此往時鹿場兔窟今稱日中孔道則橋梁在王政造置之條公餘偕遊府曜淵李公散步南池公謂余曰君之化宏棫樸而恩及鱗鯢者德難更僕數獨建橋一事盍畀諸余以成君讓善之志爰屏騶從偕行蒙葺間顧謂役人視我兩人趾所及量計橫縱若干丈估費若干緡人夫若干名擇吉舉事凡捐貲鳩工公一力專承公世燕京起家貴胄諱成龍字曜淵目鳳而髯虬竝得識貞珉云

弔橋萬厯志在州治東門外案俗名城河橋康熙五十四

年知州周在建重造胡志嘉慶二年大水發橋圯監生吳

廣德州志

卷十一

津梁

七

澄捐貲獨建

裕志

新河橋萬厯志在州治東門外李志其流接鯉洪溪水丙

申年知州魯卓築橫埂三堤以障洪濤故名案是橋砌

石架木上覆以板俗名板橋上有屋五楹乾隆癸巳為

水衝損屢修未成甲辰知州穆通阿令民募建越數年

知州胡文銓勸輸告成有記胡志道光二十二年州人陳

士俊等募貲重修

裕志

河圖塘橋萬厯志在州治東門外

案今為小東門

李志因洪水入

城築堤障之故名案康熙甲戌即舊更造乾隆癸酉重

建有碑

濟民橋萬厯志在州東二里許

福星橋亦名星橋萬厯志在州東五里無量溪上舊傳此

地星隕為石因名興廢不一嘉靖六年鄉宦張金妻曹

氏媳陳氏捐貲獨建萬厯丁亥夏水衝橋圯州守鍾庚

陽捐俸以倡士民醵金二千重建以上萬厯志 厯知州屠謙

段猷顯始竣事馮夢禎記順治八年又為水衝隨修隨

圯康熙三十四年圯甚州守李勳募建石橋并置橋田

有記雍正十三年復圯乾隆三年州守李國相詳請帑

廣德州志

卷十一

津梁

八

金一千四百兩有奇修築仍舊名題曰福星再造有碑

以上參碑文及李志後復圯乾隆三十九年知州恒豫改用木而

歲加修治至今仍之

明馮夢禎重建星橋記略橋在州治東五里相傳茲地
有星隕為石遂以名橋云州當吳越之交輪蹄交錯橋
適踞孔道亦一要津也其水南合牛首山分流嶺乾溪
諸源匯為一注南湖入于江夏秋間水溢怒湍甚箭橋
之功於是為大橋建自嘉靖六年歲久漸圯丁亥夏日
盡傾行旅稱艱當事者屢以工距難之凡構木為梁者
再衝波擊射輒蕩為烏有辛卯冬鍾大夫領州始下車
進父老問疾病僉謂此橋宜亟勑于首捐俸為士民
倡鄉大夫舉欣欣樂輸大者數十金小者數鏹一鏹不
旬月走集大夫遜良委任疇董工役疇掌籍記疇採木
石竝屬能且慎者簿書之隙躬督察之稽勤情審堅瑕
靡敢怠事又舊石沉于沙中深至仞許大夫悉命撈之

曰搜一石減一金也故規制一視往昔堅實不啻蕝於
而費則減十之五經始於萬曆二十年之三月落成於
今年之四月高若千丈延袤若干丈白金以兩計者凡
二千有奇役既竣太學生夏守義以郡人之意走都城
請記余曩謫桐從大夫之後未幾量移去迺始事實共
之其何敢辭大夫他政如禱雨均賦葺序釐里役未
可殫述茲略而不記橋云大夫名庚陽戊辰進士與
余爲同里人癸巳春三月既望國子司業馮夢禎記
國朝熊賜瓊重建福星橋記略歲乙巳以覲省暇南浮石
城因抱疴江上過吾友楊大夫治既至溪上梁適成詢
之康衢咸曰此吾州刺史楊公惠也公甫下車亟問吾
桐疾苦息訟勸農捐耗足賦以清勤廉慎正己率屬橋
之圯亦有年矣公佚我勞不費而惠吾人履斯橋
若戴福星余聞之益信王政重橋梁仁人多利濟也
李勳福星橋記略余承乏茲土周視四境山溪環繞而
東郊爲江浙通衢距城東五里許爲諸水所匯尤屬巨
浸先是郡紳張公諱金者始建尙義橋以渡行旅廣長
宏壯爲一郡冠創自明之嘉靖丁亥至萬曆丁酉未六

廣德州志

卷十一

津梁

九

十年爲屋所傾瀉公至二室段公方克竣其工凡經三
福星橋歷西星鍾公至二室段公方克竣其工凡經三
州守而後成至
國初順治八年復爲洪波衝折嗟乎何斯橋之難成而易
毀若斯耶迄今四十餘年來雖權爲架木架石以濟過
客而隨修隨圯春夏之交往來病涉漂溺時告余爲蒿
目傷心久矣適庠生夏滂陳衡來請云有好義耆老夏
旦等暨橋菴僧靜慧共願倡建環橋余亟應之曰此余
志也亦余責也能不亟爲勸諭勉力爲之凡闔郡三百
九十九保共計烟戶三萬零五百七十戶每戶助工
一日其遠不及赴者隨意樂施者夏耆銖積寸累勞心焦
而身任橋事而饗殮則取於家陳衡與之始終其事
思勞任橋事而饗殮則取於家陳衡與之始終其事
夏滂協力相助皆多方籌畫以期必濟而一文不妄費
一息不敢暇加之寅屬董率不怠於簿書之
餘單騎時臨獎勸備至自乙亥八月起工至丁丑十月
告竣語云有志竟成良非謬也然工雖成而尤必爲之
計久遠則以所買愿慤保施宗學石巖一區并查被侵

閔祠官田二十五畝九分實臻所助田與勸募善民
潘文魁及眾姓助田共九十畝五分范村保莊房三
間山一號又楊公舊助田二十三畝七分五釐四毫七
絲二忽概行收入橋菴戶內輸糧當差以備永遠看守
之資倘稍有罅隙即預為補葺更載於環橋之旁俾住
持僧歲架木橋以濟車輻毋許重載推過環橋則斯橋
之永固而難毀也又以其所存架於橋畔構亭數椽
余捐冰俸置田十畝六分俾庵僧冬設湯夏施茶廣濟
行人今而後福星一橋得與鄣山桐水長流峙於無窮
而余與諸共事者亦得附斯橋於不朽云奉直大夫知
江南廣德州事三韓李勳撰康熙三十七年三月日立
李國相重修記略余之來也橋復毀壞有年余心厘
焉昔定州橋壞王周曰橋梁不修刺史過也用是請動
帑金一千四百兩有奇遴良委任飭具庀材仍舊堅鞏
倍蓰之向之臨流興歎者茲且掉臂而揚鑣矣恒豫
重建記略福星橋為江浙要道溪流湍急屢圯於水余
蒞此四載思建石梁為永久計而經費甚鉅未能也爰
商於州之紳士量力樂輸採購巨木鳩集羣工始事於

廣德州志

卷十一

津梁

十

癸巳之十一月竣事於甲午之三月計經費三百餘緡
凡紳士之好義者不可湮沒臚其姓氏壽之於石以風
示來
茲

案名橋以星舊傳星隕必有所據但嘉靖間**南畿志**

已曰福星非萬**厯**間屠守所改特馮祭酒記稱星橋

耳

延壽橋**萬厯志**在州東十里

樂安橋**李志**在州東十里俗名七板橋

楊志未載

浪儻橋**萬厯志**在東十五里

巫南橋**萬厯志**在州東二十里

浮潭橋通志在州東二十里

案浮潭疑卽巫南吳人呼浮如巫而南潭又音近也

南畿萬厯二志有巫南無浮潭楊李等志有浮潭無

巫南今姑並存之

搭畢橋萬厯志在州東二十里案舊志俱作搭畢橋詢里

人則因筮畢二姓居此橋因以名則當以筮畢爲是筮亦州著姓也其公祠在焉

杜杭橋萬厯志在州東南二十里

碧溪橋萬厯志在州東南三十里碧溪之上

廣德州志

卷十一

津梁

十一

蜈蚣橋在州東南四十五里

以上四橋新增

觀音塘橋在州東南四十五里

章村橋在州東南五十里

大圩橋在州東南五十五里

葉塢橋萬厯志在州東南六十里案是橋係亂石結砌石

上鐫章公橋三大字成化七年造五小字里人章文傑

所建也

楊李志訛在南又失載章公名

毓秀橋李志在州東南六十里

百店橋在州東南六十五里

新增

頭陀橋萬曆志在州東南七十里

咎埠橋在州東北三十里乾隆五十四年舊橋朽壞知州

胡文銓捐俸重修

新增

長樂橋李志在州東北四十里

南畿志有其名
楊門俱失載

歲豐橋通志在州西門外跨濠河舊名城河橋萬曆志云

久廢萬曆四年知州吳同春重建更名歲豐

濯纓橋明一統志在州城西門外跨玉溪取滄浪之水可

以濯纓為名萬曆志知州楊翰建知州喬岱修案是橋

久圯康熙丁酉知州周在建重造有立石乾隆初州守

廣德州志

卷十一

津梁

十二

羅儀曾尙增重修有記

國朝曾尙增修濯纓橋記略州治之西有津梁焉古名濯纓考其始宋參軍趙子濬曾構眾春園於玉溪之上溪後有池清澈可鑑元郡守趙亮夫面池築亭榜曰濯纓為遊覽勝地厥後半為溪流所蝕明正德間知州喬岱初有橋即移亭之名以其橋志不忘也年久傾圮前牧羅儀謀所以新之州之士民亦踴躍以應閱二年往來者始無病涉然兩岸築矣柱石立矣橋板鋪矣而橋上之屋未建其能久乎予於丙寅夏抵任過斯橋而慨然蓋甚懼夫功虧一篑者之未克底於成也爰於聽政之暇進紳士為經久計僉曰是宜就橋之形勢建瓦屋七楹南北繚以短垣中畱行道以通來往凡願賃居此橋屋者取其租以為歲修可無風雨飄搖剝落之虞予又慮橋板或不耐車輪摩碾另架一便橋以供貨車行走夫如是而斯橋可鞏固矣乃復為之鳩工庀材告賜厥成於丁卯八月於是乎記乾隆十二年丁卯孟冬增進士出身知廣德州事前翰林院庶吉士長清曾尙增

譔

潘 禦濯纓橋看紅葉濯 纓秋水湛明霞橋畔霜
楓 望處餘漫道杏林春色好紅時勝卻曲江花

獅子橋萬 歷志在西門外濯纓橋西三十步許明一統志

引輿地紀勝云在清霜門外案清霜即今西門也跨玉

溪乾隆初里人重募建三十一八等年為溪水衝擊傾

圯署知州色卿額知州恒豫相繼捐募重修有記胡嘉志

慶二年水發橋圯武生陳定國重建裕志

國朝色卿額記略城之西有溪曰玉溪有橋曰濯纓不數

武又有橋曰獅子與州城門相為唇齒行李往來輪蹄

交錯其橋係乾隆初年里之好善者募建焉丙戌夏霽

雨溪漲橋石傾頽行者甚有戒心余自廬陽司馬而來

撫篆肩輿過此心竊厘焉下車後簿書稍暇汲汲于是

前任創修捐金不及十之一二余甚感感無如宦橐蕭

廣德州志

卷十一

津梁

十三

然莫之為計適有罰鍰四十金余薄捐清俸各董事亦

急公勸捐良工度之已足其用遂庀工購料以築以夯

以畚以壘立以砥柱堞以雁齒匝月之間各工落成規

式如舊堅鞏倍之是為記乾隆三十一歲次丙戌仲

秋月奉政大夫同知安徽廬州府事署直隸廣德州長

白色卿額題恒豫記略獅子橋今歲四月間霖潦經

旬溪澗奔騰橋被衝圯將欲集議公辦有陳丁氏盛氏

願出貲獨建始於九月初竣於十二月下旬計費二百

千文氏之惠也查丁氏之夫陳生桐春名錦襄固州之

名諸生而桐春之祖母丁氏以奇節顯不幸桐春夭折

氏貞潔自守撫養幼孤殿錫延師課讀有丸熊畫荻之

風而又樂善不倦如此余既嘉其節又高其義故述其

興建本末立石垂久云乾隆三十八年歲次

癸巳十二月奉政大夫知廣德州事恒豫撰

烏盆橋萬 歷志在州西北七里

朱公橋李 志在州西北二十里

英溪橋萬厯志在州西北三十里久廢明嘉靖四十五年州民許奎重建

白鷺橋萬厯志在州西北三十五里

冷水澗橋萬厯志在州西南四十里楊門等志誤作東南今移正

吳馬橋楊志在州西南五十里萬厯志作胡馬橋州民濮

陽銘建

大橋萬厯志在州西北五十三里

雄溪橋萬厯志在州西北七十里

節義橋萬厯志在州南十里李志乾隆四年州守李國相

廣德州志

卷十一

津梁

十四

重建案俗名港橋今圯

永安橋萬厯志在州南十三里

落馬橋萬厯志在州南十五里

永興橋萬厯志在州南二十里州民濮陽海建楊李志海俱訛晦

汪家橋萬厯志在州南三十里

永定橋萬厯志在州南四十里

土橋萬厯志在州南四十里

九龍橋李志在州南四十五里楊志未載

柏塾橋一名敦善橋李志在州南五十里州守朱德安募

建乾隆四年州守李國相重修

楊志未載

案是橋建於康熙

壬辰尋圯乾隆三十二年里人丁一忠等募建環橋旋即衝壞里人丁昌恒等復募眾重建改用梭墩十餘座

昌恒獨造梭墩一座五十二年落成費約六七千餘金

橋始鞏固有碑記

魚龍橋在州南五十里雪水澗三昧菴右康熙四十一年

僧雪山建郡人王邦記乾隆三十八年圯四十六年僧

德濟重修前後兩山迴繞形家謂龍脉所關改名迴龍

橋

廣德州志

卷十一

津梁

十五

下嵩橋在州南七十里乾隆三十七年為溪水衝壞四十

三年里人耿際亨重建有記

記云桐山水皆自南而北下嵩溪發源白馬經靈山向西轉北而去靈山至此十里溪多怪石如牛如馬如小艇如覆釜如累碁溪水大漲怒濤泛石橋梁當之則圯是溪為吾鄉通郡城之要道有橋可渡北岸有亭可憩癸巳年悉為溪漲所壞經此者不啻望洋文學耿君際亨捐貲四十兩復商之同志募捐銀一百六十餘兩鳩工庀材不一年而橋與亭俱竣其利人不小矣里人焦正溥記

平安橋在州南八十里明成化二十一年建有記

右三橋新增

梅花橋萬厯志在州北門外知州鍾振築鳳凰墩於溪左

更名鳳凰橋

案楊志通志並同李志始梅花鳳凰兩載以梅花在

治北城內下通秀水合水關出城鳳凰在城北門外

未知孰是

北灣橋萬厯志在州北一里春漲橋圯州守段猷顯捐俸

重建屠隆為序案後又圯重建

屠隆北灣橋序略廣德州古桐汭地東接具區南通宣歙而西控九華秋浦以達于秣陵亦一山澤間名壤孔道城北相距里許有溪名北灣環遶州後堪輿家謂實關州治發源靈山其流匯南湖以抵大江道通溧陽句曲稱境內一巨浸云每春秋之交洪流泛溢病涉良多正德間嘗建石梁不久而圯為患業數十年州刺史汝穎段侯以中原人豪來莅茲郡興利剔蠹百務犁然士民以病涉告侯夙駕往視太息曰王政先橋梁仁人貴

廣德州志

卷十一

津梁

十六

利濟民病涉若此如司牧何于是首捐俸二百為士民倡郡父老于弟爭先樂助未幾而大橋落成修十丈廣丈二橋之成也所關係匪細侯之嘉政美績有口不勝頌而冊不勝書者若倡文教造青衿褒忠孝重耕桑拯饑疾務本業懲游惰議改折緩征輸省追呼肅胥吏清訟獄嚴齋戒謹祭零雖古僑胣之遺愛兩漢之循良何以加諸建橋則其一節耳是役也侯之部下若管侍御九皋及諸文學生洪生範韋生宗魯應選王生惟德等悉助工慕義為力而復問記于不佞夫侯德自不朽烏俟不佞言而朽乎侯諱猷顯字徽之汝甯之商城人壬辰進士

撲水橋萬厯志在州北五里

東平殿橋李志在州北五里案橋下水來自無量溪北流

與北灣溪匯於東平溪向以筏渡乾隆四十九年判官

左宜倡募建橋名曰永濟孫炳炎章采衛並有記胡志同

治十二年修新纂

東平殿橋記州城北五里有東平殿殿後大溪四鄉之水匯此以歸建平乃州境水口也無如殿宇久頹溪水驟發時行旅吁嗟乾隆壬寅司理左公捐俸印發募簿職耆陳尚謨等勸告城鄉踴躍捐貲廟貌重新橋梁完固又公買田產收息為後來修橋之費焉乾隆四十九年秋孫炳炎記

附 永濟楊邯二橋義產兩處里人周高氏捐助作為

歲修之費四至附載 一在城北福興坊店樓四間東

至大街西至周界南至周界北至周界 一在興福坊

基地前後十間東至韋界西至大街南至李界北至洪

廣德州志

卷十一

津梁

十七

界俱立有界石新纂

浮橋萬厯志在州北十里

土塘橋萬厯志在州北十里

金鷺橋萬厯志在州北十里

達埠橋李志在州北十里楊志未載

豐樂橋在州北十里乾隆五十二年里民捐建有記

豐樂橋記橋以豐樂名志慶也往者怒濤箭駛驚若望洋今架以木而徒馬紛紜過無虛日民稱便焉工既竣眾父老觴而落之夫橋之成有所以成之者地豐于財人樂于輸故不勞而有功命曰豐樂以慶其成也今將董事暨助金者芳名勒石

西澗橋萬厯志在州北十五里

湖南橋楊志在州北十五里民沈一梁建

馬澗橋萬厯志在州北十七里

沈家渡橋在州北二十里舊以船渡明萬厯四十二年僧

錢明募建有碑

沈家渡橋記沈家渡乃徽甯江浙往來要道遇霖雨汎溢行旅經過濟渡溺覆往往有之僧錢明建菴溪上見而憫之募善人曹武章宗昂等造橋復鳩二十四人為橋會各出財生放分作三班輪年修理自此橋無朽壞而永存矣萬厯四十二年立碑案今橋會中存田五十畝零三分四厘二毫

薛塘橋在州北去沈家渡二里舊為塘當渡之下流衝激

廣德州志

卷十一

津梁

十八

而成溪往來徽甯宜溧者必經此乾隆四十五年生員

雲步青里民張鍾琰等勸捐建造木橋并置田八畝為

修葺之費新增

太平橋萬厯志在州北二十里

楊邨橋萬厯志在州北二十里俗名楊菴橋案南畿志作

楊汗橋後圯乾隆五十六年知州胡文銓勸修現已興

工胡志光緒元年重修新纂歲修義產見前永濟橋

小娘橋李志在州北二十里即節婦某氏死節處橋旁有

節婦塚楊志未載

須彌橋在州北二十五里通浙要道舊建石橋後圯止存
有兩塚上架木中設欄以止車販米者皆負之以過水
落則下構小橋以通車旁有菴里人置田爲橋會以時
修葺常集是菴焉新增

陸家橋萬歷志在州北三十里

中娥橋明一統志在州北三十里相傳唐劉文靜夫人建
故名以中娥

案是橋最古南畿萬歷等志俱不載則其廢久矣然
名不可沒也

廣德州志

卷十一

津梁

十九

新橋在小北鄉得水菴僧募建未幾圯乾隆三十四年張
所雲趙希極等重修後以餘貲爲橋會有碑新增

劉洞橋楊志在州北四十五里案萬歷志作劉同在州治
西北楊門李志作劉洞今

沿爲流洞實在大
北鄉非西北也 乾隆元年僧通彩通建同修二十七

年圯僧界明重募建判官左宜有序

流洞橋序州治大北鄉有流洞橋其水自五花巖發源
由東灣趨建邑陸道則上連宜溧下達蘇杭實爲桐郡
之通衢江浙之要道也其地舊有石橋一座乾隆元年
慶雲菴住持僧通彩通建募修二十七年溪漲致傾今
其徒孫界明重爲修理請董事十數人爲募首不踰年
而觀成因序之時乾隆四十五年庚子冬臨川左宜

以上胡志參裕志本州橋八十有九附新纂

烏山橋在州東十五里趙圩保

流亭橋在州東二十里吳趙保

大輪橋在州東三十里界牌保

余家橋在州東三十里宋陳保

宋橋在州東三十里宋陳保

龍眼橋在州東三十里甘溪保

落角橋在州東三十里湖下保

外關橋在州東三十里施村保

環溪橋在州東南三十五里石媳保

廣德州志

卷十一

津梁

二十

義橋在州北六十里屠村保光緒二年里人重修有碑記

洋灘橋在州南九十里卽琳溪橋爲徽甯往來要道

觀音橋在州東北五里長塘保光緒五年職員蔣志櫺貢

生濮陽楷等募資重建

以上新纂據採訪冊增

廖店橋楊志在建平縣東十里明宣德八年縣丞馬昶建

縣志同 後圯乾隆五十四年邑人王大成楊德勳等募建

案南畿志載建平橋二十有二萬厯志三十有一皆

不詳其所通志錄二十有五亦未詳建年今據楊志

兼采縣志及今所聞補之凡不言書名者皆楊志也
新增者加案以別之

胥家橋縣東十里今廢

土橋縣東十五里

開土橋縣東十五里

新橋縣東十五里

沙橋楊志縣東二十里一名上神橋李志居民李曾建

案圮後架木為橋又廢乾隆四十年故民孫大順妻

楊氏捐銀重建石橋邑令王惟一記

廣德州志

卷十一

津梁

二十一

國朝王惟一重建沙橋記跨上神港當赴州孔道下江之
賈浙西者經焉大雨驟漲東北諸山之水奔注洶湧橋
非高廣堅固不可舊橋久圮架以木危且易朽歲己亥
庠生孫大漢大受之嫠嫂楊氏倡建之高三丈五尺修
十尋廣四分修之一表裏皆用條石疊砌橋畔為亭使
人得所憩經始乙未三月至戊戌二月告竣用白金千
四百兩有奇世以小惠為婦人之仁若氏之利濟無窮
雖巴婦之善用其財不是過也案孫楊氏事詳列女
志

阮橋縣東二十二里縣志居民阮時序建徐瑤重修

孝義橋通志縣東二十五里宋紹定中建縣志因宋時居

民李貴得名

案孝義名見南畿志由來已古楊李等志作李實建

既訛其名亦非貴所建也

高橋縣東南二十五里

駱村橋縣東南二十五里明永樂十八年居民駱觀募建

浮潭橋縣東南二十五里架浮潭之上故名明永樂二十

一年道人余成募建

南峽橋縣東南二十五里

中峽橋縣東南二十五里

北峽橋縣東南二十五里

雙橋縣東北十里

廣德州志

卷十二

津梁

二十二

山下橋縣東北十五里

錢橋縣東北十五里縣志宋時錢興務募建黃時濟重建

東坑橋縣東十五里廢

諸家橋縣東北二十里

楊李志俱作二十里通志二十五里

德政橋縣東北三十里縣志明宣德八年巡檢畢昇募眾

重建

清溪橋縣東北三十里

石橋縣東北四十里

大澗橋縣東北六十里

張家橋縣東北六十里

北菴橋縣東北六十里

沙區橋縣東北六十里

惠政橋楊志縣西門外舊有浮橋名普濟在縣之南宋嘉

熙間知縣施德懋建厥後艦敞因廢為渡明崇禎戊寅

庠生烏伯龍仲龍等議建石橋未就邑侯何宏仁序李

志康熙辛未史綱等募建浮橋前令張顧行置橋田七

十九畝眾姓捐田三十三畝為橋田復建橋房今橋廢

為汪家渡田房被侵知縣衛廷璞清追註冊案宋施令

廣德州志

卷十一

津梁

二十三

所建浮橋久廢明嘉靖間州判鄒守益檄縣復為浮橋

用艦三十有二署令黥簿江山有記計橋田一百四十

餘畝管理者屢有侵蝕乾隆十七年知縣貢震撥一百

畝入育嬰堂以四十餘畝給渡夫耕種自贍其渡夫房

屋係生員王廷楠以父晉所遺銀五十六兩助建

明江山惠政橋碑甯廣諸山之水會建平為大川以艦

濟輒覆墊東廓太史哀矜不辜檄乃牧黃寬曰若邑眾

病涉盍亟為所命作舟楫聯比為梁太史陟去甫度工

牧謝病去歲四月黥簿江山攝邑政紹若構方艦上

者戶二艦次戶一艦再次二戶最次三戶閱三月集艦

三十有二偶比成梁浮直要津往來騎負者若履平路

邑民曰惟太史克肇厥載惟

牧克惠厥中惟簿克成厥終

綠龜橋縣治西白鶴觀前

李志作六歸縣志辨云昔傳六水會于橋下故名六歸云綠龜

也者訛

吳家橋萬厯志作胡家橋楊志縣西八里邑人宗璽令僧

募建縣志圮後宗珊五琦六重建案後又圮乾隆七年

潘燦譜首捐銀一百五十兩并募眾建胡志今燬新纂

尹家橋縣西十五里今廢

施板橋縣西十五里今廢

案李志縣志俱作施家橋

蘇棣橋縣西二十里今廢

狗兒渡橋縣西二十里原名鳳凰橋明夏宗武建縣志後

廣德州志

卷十一

津梁

二十四

圮夏元鈺重建復圮僧明智斷腕募建至康熙戊寅落

成案李志縣志俱作吼兒渡橋

環翠橋縣西二十里

流碧橋縣西二十里縣志在敦頭山王良六良七建

西城橋縣志縣西二十五里邑人張燦等捐建胡志今圮新纂

三峽橋縣西二十五里宋紹定四年知縣孔惠時建通志

其水出三山之峽故名

荆軻渡橋縣西三十里明正德三年夏斌三妻以木爲之

後夏宗孟更造石橋康熙五年知州楊苞捐俸重建

大橋縣西三十里

小橋縣西三十里縣志俱邑民王廷治建

濟溺橋縣西三十里案明萬曆十三年居民夏湛暘捐建

飛鯉橋縣西南二十五里明嘉靖十三年徽人童念忠建

縣志俗傳架橋時有鯉躍水上因名後木朽萬曆三年

生員韓荆等更造以石有徽歛義官黃時濟助銀三十

兩案後又圯乾隆十三年韓文烈大模等重建縣令貢

震記

貢震重建飛鯉橋記橋跨大蘇溪橫界徽甯孔道附橋
居者韓氏最繁自萬曆迄今易木以石代石以木皆韓

廣德州志

卷十一

津梁

二十五

氏任之乾隆十三年文烈大模等鳩族捐得四百餘金
隣里助之伐石興工十五年冬橋成高二丈脩倍之廣
三之一用白金
千二百兩有奇

花橋縣西二十五里今廢

師姑橋西南三十里

楊村橋縣西南三十五里縣志三十里

碧溪橋縣西南四十五年架木碧溪通宣城要道俗呼畢

家橋舊為盛氏業乾隆五十一年邑人陳廷概重造承

管歲修新增

下馬橋縣西北一里縣志明景泰五年僧惠讓建

朱家橋縣西北二里縣志宋時居民朱壽三造

裘橋縣西北三里今廢

宗家橋通志縣西北五里宋建縣志近居民宗氏故名

夏家橋縣西北十五里

縣志作十里

李志作夏陽橋

烏泥澔橋縣西北十五里

沈家橋縣西北三十里

梅家橋縣南三里

丁塘橋縣南三里宋慶元五年知縣葛採建縣志元至元

五年知縣高璧主簿驢驢重修後廢明正德十年知縣

廣德州志

卷十一

津梁

二十六

張潔令僧募貲買石重建復圯萬曆二十三年鄉官王

三聘等重建案乾隆二十一年邑人王登俊等重建

胡志

同治間重修

新纂

港橋縣南五里今廢李志王道明建後廢架木以通往來

康熙五十六年邑人王貞捐貲七百餘兩復建石橋

許家橋縣南二十五里宋寶慶三年民許日富建縣志後

廢明崇禎十六年邑人方聘募建今名雙拱橋

案楊李志有許家橋又有雙拱橋俱縣南二十五里此

必重出今從縣志

水鳴橋縣南二十五里縣志後圯方聘率族人重建案南畿志有其名

永興橋縣南二十五里明景泰四年邑民梁芳建

積福橋縣南二十五里明景泰五年邑民梁芳建

環秀橋縣南二十五里李志萬曆二十六年居民方孝三

建縣志

同

邵家橋胡志在縣南三十里新纂

莊山橋縣志在縣南明永樂二十一年李芳一建

鳳凰橋宋淳熙二年建一在縣南三十里一在縣西莊村

廣德州志

卷十一

津梁

二十七

二十四里案通志止載縣西一橋宋淳熙初建

張公橋縣志宋時張道興募建明萬曆二十三年居民陳

憲九改建

案張公四路龍潭清碧通津踏滉鍾橋西梅等橋並

載南畿志

四路橋元建明萬曆間知縣張宗信重建俱縣南四十里

龍潭橋縣南四十五里宋淳熙間居民姚干一建

洩澗橋明景泰二年張仲祥建

雲橋俱縣南六十里

磚橋縣南七十里縣志姚姓士民建

青碧橋縣南八十里宋淳熙四年楊李等志作咸熙今從通志下同居民

談祥瑞募建南畿志作清碧

泗洲橋縣南六十里宋淳熙四年居民談祥瑞等建李志作八

里十

通津橋縣北一里縣志宋時居民建明宏治十一年邑民

楊萼重建一名楊家橋

踏滉橋縣北三里縣志宋時建明成化中義民潘達五等

修萬歷二十七年邑人吳國本重修後圯順治四年重

廣德州志

卷十二

津梁

二十八

修宣城湯承宗序

鍾橋萬歷志作鍾五橋楊志縣北十里宋寶慶間知縣章

一壁建縣志永樂五年邑人陳興募修康熙九年邑人

程興重修

北拱橋縣北十五里

西梅橋通志縣北三十里楮渚鎮西宋建李志丙子年邑

民陳僊佑建

永福橋梅渚鎮北李志成化三年建正德九年居民王辰

重建

蕭貝橋北三十里

北高橋縣北三十里

洪橋縣北三十五里縣志宋淳熙二年侯智大募建案舊

作咸

熙二年考宋無咸熙年號必淳熙之訛

永康橋縣北四十里縣志明隆慶元年呂應春重建萬厯

五年呂鏊呂侯呂仗呂守仁重建石橋

通京橋通志縣北四十里縣志明嘉靖元年呂思建康熙

二十一年呂貞元呂敦禮呂家昌等重建

永甯橋縣北四十里

縣志作西北

縣志宋端平乙未年建明永

廣德州志

卷十二

津梁

二十九

樂二十年呂紹六重修一名上橋

以上胡志建平橋八十有四附新纂